

Yesux Pai Pui Sipawg Moi



Lukax 17:11-19

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix

Lox chawk son krax nyawm ot


Maix pon jhawm saux, saux hoek/vi yuh ka mawx? Maix pon jhawm saux, saux long (saux vaig) yuh ka mawx? Maix pon jhawm saux, saux hoek hax yuh ka mawx? Mawh jhawm saux pa tix pa yie haok?

Baux bawg yam Yesux, jhawm saux sipawg mawh pa sidaing lhat pui kah. Jhawm saux sipawg mawh pa yie tix haok ka pui tang kaux, mawh kheu nan pui mawx koe jhawm saux sipawg pui an yaox ti hu ot dee singai mai pui khankix. Phan pui sipawg tix kaux kaux hoek baoh dee ot pui hun kix ti yaox yo ah “ang singax, ang singax”. Mawh kheu nan pui tom tawng ti via ka kix heue.

Jhawm saux sipawg mawh jhawm saux pa ang koe sidah pai. Viang mawh nan bawg tix blah jhawm saux an tang chix grai moi heue. Phan pui tix kaux kaux ah jhawm saux sipawg tix moi, nawh caw ti jhi tokaux tix ka cao giex kaing li heue. Kheu cao giex kaing li pon tat dud jhawm saux kaw an moi ang moi son sang deeh pon ot mai pui hun khankix



¹¹ Yam kawn tag hu Nawh Cao ka veng Yerusaliem, Nawh hu preeng ka sinax meung Samarix mai meung Galilie heue.




¹² Yam laig Nawh Cao ka daux yaong tix
yaong pui sipawg kao kaux, cung dee singai,
¹³ mai kok yo ah nin, “Yesux, Simiang eue,
caux rhawm ka yix liak.”




¹⁴ Yam yaox Nawh Cao kix, Nawh ah nin ka kix, “Hu jhi tokaux pex ka cao giex kaing li pa ting khankix heue.” Yam kawn tag hu kix, kix deeh singax heue.



¹⁵ Ka daux kix tix kaux yam nawh yaox
gawh gawng hoik deeh moi tix, nawh deeh
tieh ti hoek mai ah lox sinum yaog yaw Siyiex
heue. ¹⁶ Nawh gup ngai tix dex caong Nawh
Cao mai yaog yaw bwanson Nawh Cao, kaw
an mawh pui Samarix heue.



¹⁷ Yesux ah nin ka nawh, “Pa hoik deeh kieh singax koe kao kaux ang mawh lie? Viang mawh nan kix dim kaux ot dee mawx? ¹⁸ Ang koe pa sang deeh hoek ti yaog yaw buanson Siyiex, lheu khaing pui tang ceu in lie?”



¹⁹ Nawh Cao baux ah nin ka kaw an, “Kaoh hu krax hu maix, krax yum rhawm maix hoik kieh maix moi heue.”

k. Deeh Thawk Theng

1. Yesux hu krax dee mawx?
2. Mawh pui mawx pa kok Yesux? Pui an kix ah pa tix?
3. Yesux nhie kix yuh pa tix?
4. Kix pon ti moi jhawm saux bawg yam mawx?
5. Pui miex kaux pa hoek ti ah lox ting buan son kheu moi jhawm saux tix?
6. Pui pa ah lox ting buan son ka Yesux, mawh pui ceu pa tix?
7. Yesux chawk ka pui samarix yuh ka mawx?
8. Yesux ah mawh kheu jao pa tix jhawm saux nawh moi?

kh. Krax Pa Doh Rhawm Ka Been

1. Mawh kheu jao pa tix Yesux ang pai ka kix dom mawx dom an, nhie kix hu jhi tix ka cao giex kaing li? Maix keud yuh ka mawx?
2. Mawh kheu jao pa tix pui samarix deeh hoek ah lox ting buan son ka Yesux? Maix keud yuh ka mawx?
3. Yam deeh hoek ah nawh lox ting buanson, yam an maix keud sang lih tix mawh yuh ka mawx?
4. Pui samarix pon rieb ceu pa tix yam deeh hoek ah nawh lox ting buan son ka Yesux?
5. Ka daux been in, maix pon rieb gau ceu pa tix khaing grawng Yesux?

G. Krax Pa Deeh Shiao Daux Ju Tix Khaing Been In

1. Ex koe ceu pa sang ah lox ting buan son lie? Ex chix yaog yaw Siyiex yam mawx?
2. Mawh kheu jao pa tix ex yie pi awm tix yaog yaw ka buan son Siyiex?
3. Ex pon rieb buan son ceu pa tix, yam yaog yaw ka buan son Siyiex?
4. Maix kawn pon rieb gau ceu pa tix? Kawn koe lox chawk tix ceu ceu lie?

Ng. Ceu Pa Pon Rieb Gau Daux Ju Tix Khaing Been

1. Siyiex koe pa vhah rhawm yam yaog yaw ex ka can ceu pa hoik yuh Nawh son ex.
2. Krax pa nghiet ex lox Siyiex mawh daux blawng pa jhi ex krax yum rhawm tix ka Nawh tix ceu heue.
3. Yesux hoek son sang teem mai taoh ka pui haktiex khawm uik.

Baux lai Pa Caw Ti Ci

Lukax 17:15-16 Ka daux kix tix kaux yam nawh yaox grawh grawng hoik deeh moi tix, nawh deeh tieh ti hoek mai ah lox sinum yaog yaw Siyiex heue. 16 Nawh gup ngai tix dex caong Nawh Cao mai yaog yaw bwanson Nawh Cao, kaw an mawh pui Samarix heue.